



J.P. MEĐUNARODNI AERODROM "SARAJEVO" D.O.O.

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo, MBS 65-01-0419-11; JIB 4200068970001; Carinski broj 200068970001
RAČUN: 3387302205238447; UniCredit banka d.d. Mostar, BiH

Vrsta dok.	Izdavač	RB
DOP	5 01	3685

Strana:
1 od 1

Broj protokola: *05-1-25-1-537-17/25*

JAVNO

DATUM: 11.04.2025. godine

PRIMALAC: LALA i LAČO d.o.o. Bijeljina
R&S d.o.o. Sarajevo
ECOTIME d.o.o. Sarajevo

PREDMET: Obavijest o izboru najpovoljnije ponude u postupku nabavke robe:
– Materijal za održavanje čistoće

VEZA: Naš broj: 537/25

Poštovani,

na osnovu člana 71. Zakona o javnim nabavkama ("Službeni glasnik BiH", broj 39/14, 59/22 i 50/24) obavještavamo vas da je, nakon okončane procedure prikupljanja ponuda za nabavku robe: Materijal za održavanje čistoće, provedene metodom Otvoreni postupak, Odlukom Uprave J.P. Međunarodni aerodrom "SARAJEVO" d.o.o. Sarajevo, koja vam se dostavlja u prilogu, kao najpovoljnija, odnosno jedina prihvatljiva ponuda za predmetnu javnu nabavku, na prijedlog Komisije za provođenje postupka nabavke, ocijenjena ponuda ponuđača R&S d.o.o. Sarajevo.

S poštovanjem,


V. d. DIREKTOR-a
Sanin Ramezić
Sanin Ramezić

Prilog: Odluka o izboru najpovoljnije ponude;

DOSTAVLJENO:

1. Ponuđačima
2. Upravi Društva
3. Sektoru za administrativnu podršku
 - Služba nabavke (orig.)
 - Služba za pravne poslove i protokol
4. a/a

DOP PR 05-00 03 01 Dops, 1. izdanje/Rev 0



	Tel	Fax	E-mail
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	opoc@sarajevo-airport.ba
WEB	www.sarajevo-airport.ba	/	/

R. Z.

A. Ramezić



UPRAVA

Strana: 1 od 3

Broj protokola: 05-25-1-537-16/25

JAVNO

Datum: 11.04.2025. godine

Na osnovu člana 70. Zakona o javnim nabavkama („Službeni glasnik BiH“, broj 39/14, 55/22 i 50/24), a u vezi sa članom 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo, te na osnovu člana 45. Statuta J.P. Međunarodni aerodrom „SARAJEVO“ d.o.o. Sarajevo, te na osnovu Izvještaja i preporuke Komisije za provođenje postupka javne nabavke robe: Materijal za održavanje čistoće, broj: 05-3-25-1-537-15/25 od 09.04.2025. godine, Uprava J.P. Međunarodni aerodrom „SARAJEVO“ d.o.o. Sarajevo, na 25. sjednici, održanoj 11.04.2025. godine, donijela je

ODLUKU

I

Za nabavku robe: Materijal za održavanje čistoće, prihvata se ponuda ponuđača R&S d.o.o. Sarajevo, broj: 8108/25, zavedena na protokol Naručioca dana 02.04.2025. godine, pod brojem: 06-3-25-1-537-6/25, u iznosu od: 139.913,20 KM (stotridestdevethiljadadevetstotrinaest i 20/100 KM), bez PDV-a.

II

Po proteku rokova za reviziju J.P. Međunarodni aerodrom „SARAJEVO“ d.o.o. Sarajevo će izabranom ponuđaču ponuditi ugovor o nabavci robe iz tačke I ove Odluke, kojim će se regulisati međusobna prava i obaveze ugovornih strana.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Materijal za održavanje čistoće, v.d. direktora J.P. Međunarodni aerodrom „SARAJEVO“ d.o.o. Sarajevo donio je Odluku o pokretanju postupka nabavke, broj: 05-3-25-1-537-3/25 od 28.02.2025. god. U skladu sa naprijed navedenom Odlukom, J.P. Međunarodni aerodrom „SARAJEVO“ d.o.o. Sarajevo (u daljem tekstu: Društvo) je dana 18.03.2025. godine na portalu javnih nabavki objavilo obavještenje o nabavci, broj: 246-1-1-147-8-55/25, a Rješenjem, broj: 05-1-25-1-537-4/25 od 17.03.2025. god., imenovana je Komisija za provođenje postupka (u daljem tekstu: Komisija). Do ostavljenog roka za predaju ponuda, 02.04.2025. god., na adresu Društva ponudu su dostavila tri ponuđača, i to: LALA I LAČO d.o.o. Bijeljina, R&S d.o.o. Sarajevo i ECOTIME d.o.o. Sarajevo. Na javnom otvaranju ponuda, održanom isti dan uz prisustvo predstavnika ponuđača R&S d.o.o. Sarajevo, pročitani su nazivi ponuđača i ponuđene cijene, i to:

1. LALA I LAČO d.o.o. Bijeljina: 55.167,00 KM, bez PDV-a
2. R&S d.o.o. Sarajevo: 139.913,20 KM, bez PDV-a;
3. ECOTIME d.o.o. Sarajevo: 139.681,14 KM, bez PDV-a.

Nakon javnog otvaranja ponuda, Komisija se sastala radi detaljne analize istih, te je pregledom i analizom ponuda utvrdila sljedeće:

LALA I LAČO d.o.o. Bijeljina:

Komisija je, nakon otvaranja i pregleda ponude ovog ponuđača, konstatovala da je ista nepotpuna i formalno neprihvatljiva, jer ne ispunjava osnovne zahtjeve iz tenderske dokumentacije i odredbi Zakona o javnim nabavkama (u daljem tekstu: ZJN).

Ponuđač je u dostavljenoj koverti dostavio samo Obrazac za cijenu ponude, koji je djelimično popunjen – unesene su samo jedinične i ukupna cijena. Međutim, ponuđač nije popunio ostale obavezne elemente obrasca iz ANEKSA III tenderske dokumentacije, i to: rabat (ukoliko postoji), stopu PDV-a, iznos PDV-a, cijenu bez PDV-a i cijenu sa PDV-om. Dodatno, Komisija je konstatovala da je ukupna cijena koju je ponuđač naveo na kraju obrasca netačna. Naime, ponuđač je naveo da ponuda ukupno iznosi 55.167,00 KM, dok je računskom provjerom utvrđeno da zbir jediničnih cijena iznosi 55.103,00 KM. Međutim, s obzirom na sve ostale manjkavosti ponude, kojih je neuporedivo više u odnosu na ono što je dostavljeno, Komisija je ocijenila da nije svrsishodno zahtijevati dodatnu računsku potvrdu ponuđača.

Ponuđač također nije dostavio nijedan drugi dokument propisan kao obavezan sadržaj ponude. U ponudi nedostaju sljedeći dokumenti: Sadržaj ponude; Obrazac za ponudu sa izjavom ponuđača; Spisak povjerljivih informacija; Popunjen, potpisan i ovjeren Nacrt ugovora; Izvod iz sudskog registra ili ekvivalentni dokument; Potvrda o uspješno izvršenom ugovoru iste vrste i obima; Izjava po članu 45. ZJN; Izjava po članu 52. ZJN; Uzorci traženi tačkom 5.7 tenderske dokumentacije; Garancija za osiguranje ponude.

Također, ponuđač nije postupio u skladu sa tačkom 5.3 "Dostavljanje ponuda" tenderske dokumentacije, kojom je propisano da se ponuda mora dostaviti u originalu u papirnom obliku sa jasno naznačenim natpisom "ORIGINAL PONUDA" te da se uz ponudu mora dostaviti i digitalna kopija u PDF formatu, na jednom mediju (CD, DVD ili USB), i to u jednoj datoteci. Ponuda mora biti zapečaćena u jednoj neprovidnoj koverti sa imenom i adresom ponuđača, i jasno istaknutim tekstom: "Ponuda za – Materijal za održavanje čistoće – ne otvarati do 02.04.2025. godine do 12:30 sati". Ponuđač nije dostavio digitalnu kopiju ponude, niti je dostavljena koverta sadržavala sve propisane elemente.

Vrsta dok.	Izdavač
ODL	5-01
Strana: 2 od 3	
JAVNO	

Na osnovu navedenog, Komisija je jednoglasno zaključila da ponuda ponuđača LALA I LAČO d.o.o. Bijeljina nije sačinjena u skladu sa formalnim zahtjevima propisanim tenderskom dokumentacijom, ne ispunjava uslove u pogledu sadržaja ponude u skladu sa članom 58. ZJN, niti je pripremljena i dostavljena na način propisan tenderskom dokumentacijom.

U skladu sa navedenim, a imajući u vidu odredbe člana 57. stav (1) ZJN, kojim je propisano da je ponuđač dužan pridržavati se svih zahtjeva i uslova iz tenderske dokumentacije, Komisija je predmetnu ponudu, u skladu sa članom 68. stav (4) tačka i) ZJN, s obzirom da ne ispunjava sve što je zahtijevano tenderskom dokumentacijom, ocijenila nepravilnom i neprihvatljivom.

R&S d.o.o. Sarajevo:

Nakon pregleda ponude u skladu sa članom 65. stav (1) ZJN, a imajući u vidu da ponuda ispunjava sve što je zahtijevano tenderskom dokumentacijom, Komisija je ovu ponudu ocijenila formalno-pravno, tehnički i računski ispravnom i prihvatljivom

ECOTIME d.o.o. Sarajevo:

Na osnovu izvršenog pregleda uzoraka dostavljenih uz ponudu, Komisija je, u skladu sa tačkom 5.7 Tenderske dokumentacije („Uzorci“), konstatovala da je ovaj ponuđač bio obavezan dostaviti uzorke za stavke koje su decidno navedene u tački 5.7 Tenderske dokumentacije, među kojima su i stavke: 6, 67 i 71 Obrasca za cijenu ponude.

Stavka 6 – Odstranjivač ljepila (250 ml – 500 ml):

Ponuđač je dostavio uzorak odstranjivača ljepila koji ima zapreminu 200 ml, čime ne ispunjava zahtjev iz Obrasca za cijenu ponude koji jasno propisuje mililitražu u rasponu od 250 ml do 500 ml. Dostavljeni uzorak nije u skladu s minimalno zahtijevanim karakteristikama iz tenderske dokumentacije, te ne ispunjava ni uslov upotrebne vrijednosti.

Stavke 67 i 71 – Sredstva za čišćenje konvektomata i sredstvo za pranje posuđa u bistroima:
Ponuđač je dostavio uzorke za navedene stavke, međutim, na dostavljenim uzorcima nije bilo moguće utvrditi sastav sredstava, jer isti ne sadrže deklaracije s jasno navedenim karakteristikama koje su propisane obrascem za cijenu ponude. Dodatno, ponuđač uz ponudu nije dostavio tehničke listove, sigurnosne listove, niti bilo koju drugu vrstu tehničke dokumentacije na osnovu koje bi se moglo provjeriti da ponuđeni proizvodi odgovaraju traženim specifikacijama. Shodno tome, nije bilo moguće izvršiti provjeru ključnih parametara kao što su sastav, pH vrijednosti, relativna gustina, viskoznost i drugo, kako je to zahtijevano za ove stavke.

U vezi sa stavkom 67, prema zahtjevima iz Tenderske dokumentacije, sredstvo mora sadržavati:

- di(propylene glycol) methyl ether (5–15%),
- potassium hydroxide (5–15%),
- pH vrijednost: 14.

U vezi sa stavkom 71, zahtijevane karakteristike uključuju:

- natrij-hidroksid 5–15%, pH vrijednost 14,
- relativna gustina (20°C): 1,22,
- viskoznost (20°C): <1 mPa·s,
- dodatni sastojci: <5% fosfati, <5% polikarboksilati,
- pakovanje: 12 kg (9,9 L ±5%).

Budući da ni na uzorcima nije naznačen sastav, niti druge ključne karakteristike, a ponuđač nije dostavio ni prateću dokumentaciju koja bi to mogla potvrditi, Komisija nije mogla utvrditi da ponuđeni proizvodi ispunjavaju minimalne zahtjeve iz obrasca za cijenu ponude. Samim time, nisu ispunjeni ni osnovni uslovi za upotrebnu i funkcionalnu vrijednost predmeta nabavke.

U skladu s navedenim i tačkom 5.7 Tenderske dokumentacije, kojom je propisano da ponuda ponuđača koji ne dostavi sve tražene uzorke ili dostavi uzorke koji ne budu u potpunosti odgovarali zahtijevanom opisu iz Obrasca za cijenu ponude, će biti ocijenjena kao neprihvatljiva, Komisija je zaključila da je ponuda ponuđača ECOTIME d.o.o. Sarajevo neprihvatljiva, jer uzorci za stavke 6, 67 i 71 ne ispunjavaju propisane uslove iz Tenderske dokumentacije, a ponuđač nije dostavio dokumentaciju iz koje bi se moglo provjeriti da ponuđeno odgovara traženom.

U skladu sa navedenim, a imajući u vidu odredbe člana 57. stav (1) ZJN, kojim je propisano da je ponuđač dužan pridržavati se svih zahtjeva i uslova iz tenderske dokumentacije, Komisija je predmetnu ponudu, u skladu sa članom 68. stav (1) i (4) tačka i) ZJN, s obzirom da ne ispunjava sve što je zahtijevano tenderskom dokumentacijom, ocijenila nepravilnom i neprihvatljivom.

Za predmetnu javnu nabavku bila je predviđena e-aukcija, ali pošto je zaprimljena samo jedna prihvatljiva ponuda, ona nije održana.

S obzirom na naprijed navedeno, Komisija je utvrdila da je najpovoljnija ponuda, i istovremeno jedina prihvatljiva, ponuda ponuđača R&S d.o.o. Sarajevo, te je predložila Upravi Društva da se ugovor za nabavku robe: Materijal za održavanje čistoće, u vrijednosti od 139.913,20 KM, bez PDV-a, dodijeli ovom ponuđaču.

Vrsta dok.	Izdavač
ODL	5-01
Strana: 3 od 3	
JAVNO	

Uprava Društva je razmotrila predmetni Izvještaj i preporuku Komisije na svojoj 25. sjednici, održanoj 11.04.2025. godine, te je, nakon uvida u vođeni postupak, istu i prihvatila, pa je, na osnovu člana 70. ZJN, odnosno 25. Pravilnika o javnoj nabavci roba, usluga i radova u Društvu, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno na protokol Društva, elektronskim putem ili preporučenom poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.

v.d. DIREKTOR-a

Sanin Ramezić



Prilog: Zapisnik o pregledu i ocjeni ponuda;

DOSTAVLJENO:

1. Ponuđačima
2. Upravi Društva (orig.)
3. Sektoru za administrativnu podršku
 - Služba nabavke (orig.);
 - Služba za pravne poslove i protokol;
4. a/a